

Биз халқ номидан, халқ учун ишлаймиз, унинг муаммоларини ҳал қиламиз. Агар сайловларда бизни танласангиз ва партиямиз кўрсатган номзодларни қўллаб-қувватласангиз, биз, Сиз — азиз юртдошларимизнинг тинч ва фаровон ҳаёти учун курашамиз!

Inson manfaatlari — oliy qadriyat

ADOLAT

IJTIMOIIY-SIYOSIIY GAZETA info@adolatgzt.uz • www.adolatgzt.uz • www.adolat.uz • № 49-son (1270) • 2019-yil 6-dekabr, juma

“ADOLAT” SDP NOMZODLARIGA OVOZ BERING!

ADOLAT YO‘LIDA BIRLASHAYLIK!

“Адолат” СДП номзодларига овоз беринг!



Мақсуд ҚУРБОНБОЕВ
 Ўзбекистон “Адолат” СДП томонидан
 Ўзбекистон Республикаси Олий Мажлиси
 Қонунчилик палатаси депутатлигига
 121-Хонқа сайлов округидан
 номзод этиб кўрсатилган

Кучли ижтимоий сиёсат — фаровон турмуш асоси

Бугунги кунда юртимизда олиб борилган изчил ислохотлар ҳамда халқимизнинг фидокорона меҳнати туфайли Ўзбекистоннинг жаҳон майдонидаги ўрни ва мавқеи тобора юксалмоқда. Тарихан қисқа муддатда барча соҳада улкан ютуқларга эришилдики, уларнинг ҳар бири дунё манзараси ўзгариб, турли минтақалар низолар ўчоғи ҳамда тўқнашувлар гирдобиди қолган ҳозирги мураккаб даврда жуда аҳамиятлидир. Истиқдолнинг дастлабки йилларида Ўзбекистон ўз олдида ижтимоий йўналтирилган бозор иқтисодиётини шакллантириш, очиқ сиёсат олиб бориш, ҳуқуқий давлат ва кучли фуқаролик жамияти барпо этиш мақсадини қўйган эди. Биз бугун бу ислохотлар натижаларини дунёқарашимиз, ҳаётга муносабатимиз ҳамда турмуш тарзимиздаги ўзгаришларда кўриб турибмиз.



www.adolat.uz @adolat_uz

ЖУРНАЛИСТ СУРИШТИРУВИ

МИБнинг ижро дафтари ким назорат қилади?

Қаранг, фуқаро, аниқроғи, даъвогар суднинг ҳал қилув қарори бажарилишига шахсан қаноат ҳосил қилиш учун сабр-тоқатини жиловлаб яна ва яна кутишга мажбур бўлмоқда. Кутиш деганлари ҳафта-ўн кун эмас, ойлаб давом этса-чи? Давлат идорасининг масъул ходими қонун устуворлигини таъминлашга кўмаклашиш, бу борада ҳозиржавоблик, қатъият кўрсатиш ўрнига ҳафсаласизлик қилса, ўз ваколатларидан ўринли фойдалана олмаса, фаолиятида ошкораликни унутиб, ижро дафтари ни ёпиб қўйса, фуқаронинг фигони фалакка чиқмайдами? **6**

БУГУННИНГ ГАПИ

**Миллат кўзгусига
 ҒУБОР ТУШИРМАЙЛИК**

1989 йилнинг 21 октябрида мамлакатимизда “Давлат тили ҳақида”ги қонуннинг қабул қилиниши кўпчилик учун кутилмаган ҳол бўлган. Чунки ўшанда айримларнинг кўнглидан “Ахир биз яшаётган макон Ўзбекистон деб аталса, у республика мақомига, Конституциясига эга бўлиб, ўзбек тили давлат тили ҳисобланса, унинг ҳудудида яшаётганларнинг аксарияти шу миллат вакилларидан иборат бўлса, бундай қонун чиқаришга зарурат бормикан?”, деганга ўхшаш фикрлар кечган. Тўғри, ўша даврда юқоридаги қонуний асослар Ўзбекистоннинг конституциявий ҳужжатларида мавжуд эди. Лекин уларнинг бирортаси ҳаётда амалий ифодасига эга эмасди.

Собиқ шўролар давлати бу конституциявий ҳужжатларда белгиланган қонунларнинг амал қилинишига имкон ҳам бермасди. Ана шундай даврда республикаимизда “Давлат тили ҳақида”ги қонуннинг қабул қилиниши ҳайратомуз воқеага айланди. Бу қонуннинг пайдо бўлишининг сабаблари кейинроқ, 1991 йилда мамлакатимиз мустақилликка эришган даврда маълум бўлди. Чунки инсоният тарихидан аёнки,

бирор ҳудудда давлат пайдо бўлиши учун давлатчиликнинг кўплаб атрибутлари билан бирга ўша ерда яшаётган халқнинг тили ва ёзуви тўла шаклланган бўлиши ҳамда унинг фаолият юритиши шарт қилиб қўйилган. Шу маънода 1991 йилда мамлакатимиз мустақилликка эришган даврда маълум бўлди. Чунки инсоният тарихидан аёнки, унга замин яратди. **7**

ТАХРИРИЯТГА ХАТ

Банк ёрдамига умид қилманг, нажот йўқ!

Ҳурматли таҳририят ходимлари!
 2018 йилнинг 16 апрелида Самарқанд вилояти, Пахтачи тумани, Амиробод маҳалласида аҳолини иш билан таъминлаш, хотин-қизларнинг бандлигини ошириш мақсадида тўқимачилик-тикувчилик ва полипропилен қоплар ишлаб чиқаришни режалаштирган ҳолда “NAFOSAT-TEXTILE” МЧЖ қорхонасини ташкил этишни ният

қилган эдим. Ушбу лойиҳа туман ҳокимияти томонидан маъқулланиб, Амиробод маҳалласи ҳудудида қаровсиз қолган собиқ колхоз клуби биносининг бир қисми уч томонлама шартнома асосида хориждан янги асбоб-ускуналар келтириш орқали инвестиция киритиш шарти билан ижарага берилди.
 Ушбу қаровсиз қолган бинони таъмирлаш учун “Лойиҳа-Нур-Гео”

МЧЖ томонидан 848 521 925 сўмлик қурилиш-таъмирлаш ишлари бажариш лозимлиги тўғрисида смета ҳужжатлари тайёрланди. Бугунги кунгача ўз шахсий маблағим ҳисобидан 400 000 000 сўмлик таъмирлаш ва ободонлаштириш ишлари бажарилиб, янги заводнинг асбоб-ускуналарини жойлаштириш учун барча шарт-шароитлар тайёрланди.



